

Mensahe 5

Si Cristo nga Dagway sa Dios ug Bahandi

Basahong Kasulatan: 2 Cor. 4:4, 7; Col. 1:15; Heb. 1:3; Juan 1:18

I. Gipakita sa 2 Corinto 4:4-7 kanato nga makasinati ug makapahimulos ta ni Cristo nga dagway sa Dios ug bahandi:

- A. Nagpasabot ang dagway sa Dios ni Cristo nga pagpadayag nato, samtang nagpasabot ang bahandi ni Cristo nga sulod nato.
- B. Duna gyod unta tay Cristo nga dagway sa Dios sa gawas, ug duna gyod unta tay Cristo nga bahandi sa sulod.
- C. Mosulod gyod ta sa dagaya ug hingpit nga pagpahimulos ni Cristo.
- D. Matod pa sa Mga Hebreohanon 1:3, si Cristo ang kasanag sa himaya sa Dios; sa ato pa, Siya ang pagpadayag sa dagway sa Dios.
- E. Si Cristo nga dagway sa Dios mao ang pagpaila, pagpadayag, sa Dios; gipaila ug gipadayag Niya ang Dios—Juan 1:18.
- F. Naghisgot ang Colosas 1:15 ni Cristo nga “dagway sa Dios nga dili makita;” dili pisikal nga porma ang dagway dinhi kondili pagpadayag sa pagkamao sa Dios sa tanan Niyang kaayo ug maayong kagawian.
- G. Bag-ohon gyod ang atong salabotan hangtod nga tin-aw na ang pananawon nato ni Cristo nga dagway sa Dios—Rom. 12:2.

II. Naghisgot si Pablo sa 2 Corinto 4:4 sa “ang kahayag sa ebanghelyo sa himaya ni Cristo, nga mao ang dagway sa Dios”:

- A. Gipahibalo sab ta ni Pablo ning versiculoha nga gibutaan sa dios ning panahona, sa magbubuot ning kalibotana (Juan 12:31; 14:30; 16:11; Efe. 2:2), ang mga hunahuna sa mga dili magtutuo:
 - 1. Ang dios ning panahona mao si Satanas, ang magbubuot ning panahona, nga nagdominar sa kalibotan karon ug nagtinguha nga simbahon sa mga tawo pinaagi sa pagbuta sa ilang salabotan ug mga hunahuna—2 Cor. 4:4.
 - 2. Gibutaan sa dios ning panahona ang tanang tawo karon, wala bay hibangkaagan o edukado kaayo.
 - 3. Moampo gyod ta nga, “Ginoo, nisalig ko Nimo nga pildihon Nimo ang dios ning panahona; gawas Nimo, wala koy laing simbahon.”
 - 4. Kon moampo ta sa ingon niini, mohayag ang diosnong kahayag, ug mapadaygan ta.
 - 5. Kon biyaan nato ang atong mga hunahuna ug pabalikon ang atong kasingkasing sa Ginoo (3:16), makuha ang mga taptap, ug wala na dayoy luna sa atong pagkatawo ang dios ning panahona.
- B. Ang ebanghelyo ni Cristo mao ang ebanghelyo sa Iyang himaya nga naghayag ug nagsidlak.
- C. Dili makita ang Dios, apan si Cristo, ang Anak sa gugma sa Dios, nga mao ang kasanag sa himaya sa Dios ug ang dagway sa Iyang pagkamao (Heb. 1:3) mao ang Iyang dagway, nga nagpadayag kon unsa Siya.

Mensahe 5 (sumpay)

- D. Nagpasabot ang dagway sa Dios sa Colosas 1:15 sa pagpadayag sa Dios ug sa kahupnganan sa Dios, sa ato pa, ni Cristo mismo.
- E. Nagpasabot ang pamulong *ang dagway sa Dios nga dili makita* nga bisan dili makita ang Dios mismo, makita ang Iyang dagway—v. 15.
- F. Ang Dios nga dili makita naa may dagway nga makita, ug kining dagwaya mao si Cristo:
 - 1. Niingon ang Juan 1:18, “Wala pa gyoy nakakita sa Dios; gipaila Siya sa bugtong Anak, nga naa sa sabakan sa Amahan.”
 - 2. Bisin dili makita ang Dios, napadayag Siya pinaagi sa buhing persona, sa ato pa, ni Jesucristo, ang Anak sa Dios—3:16.

III. “Naa namo kining bahandi sa kulonong mga sudlanan”—2 Cor. 4:7:

- A. Si Cristo nga Espiritung taghatag-og-kinabuhi sa sulod nato mao ang nagsidlak ug nagbuhat; kini ang bahanding naa sa sulod nato.
- B. Ang pagsidlak sa Dios sa atong kasingkasing (vv. 4, 6) nagdala nganhi natog bahandi, nga si Cristo sa himaya, nga pagkalawas sa Dios nga mahimong kinabuhi ug tanan nato.
- C. Tungod sa pagsidlak diha sa atong kasingkasing, naato ang bahandi nga matahom kaayo, bililhon, ug kahibulongan.
- D. Kining bahandia, nga si Cristo nga nagpuyo sa sulod nato, nga kulonong mga sudlanan, maoy diosnong tinubdan sa sangkap alang sa Cristohanong kinabuhi—v. 7.
- E. Nagpasabot sa versiculo 6 ang pamulong *kining bahandi* sa 2 Corinto 4:7, diin naghigot si Pablo sa nawong ni Jesucristo:
 - 1. Ang paghayag sa Dios sa atong kasingkasing paghayag man kanato aron makaila ta sa himaya sa Dios nga naa sa nawong ni Cristo.
 - 2. Ang himaya sa Dios nga napadayag sa nawong ni Jesucristo mao ang Dios sa himaya nga napadayag pinaagi ni Jesucristo; ang pagkaila Kaniya pagkaila man sa Dios sa himaya—v. 6.
 - 3. Sa linetra, ang Griyegong pulong alang sa *nawong* sa 2 Corinto 4:6 pareho ra nga pulong nga gihubad og “persona” sa 2:10, nga nagpasabot sa bahin libot sa mata, ang tinan-awan nga ilhanan sa mga hunahuna ug mga pagbati sa sulod, nga nagpakita ug nagpadayag sa tibuok persona.
 - 4. Nagpakita kini nga kon dili nato mabatonan ang ilhanan sa nawong ni Cristo, dili gyod Siya mahimong bahandi nato sa realidad:
 - a. Dili nato mabati nga duna tay bahandi sa sulod nato kon dili nato makita ang nawong ni Jesucristo.
 - b. Sa usa ka bahin, makapahayag tang tanan nga kulonong mga sudlanan ta ug si Cristo ang bahandi sa sulod nato.
 - c. Sa laing bahin, makita gyod unta nato nga sa diha lang magkinabuhi ta sa presensya ni Cristo, magtan-aw sa ilhanan sa

SI CRISTO NGA DAGWAY SA DIOS UG BAHANDI

Mensahe 5 (sumpay)

Iyang pagkamao, nga mabati nato nga bahandi Siya alang nato—v. 10.

- F. Ang unang lakang sa paagi sa Dios sa pagtuman sa Iyang tuyo paglalang man sa tawo nga kulonong sudlanang kasudlan Niya nga kinabuhi—Gen. 2:7:
1. Gipili ta sa Dios aron mahimo tang mga sudlanan sa kadungganang nga napuno sa Tulo-usang Dios—Rom. 9:21, 23; 2 Cor. 13:14.
 2. Gipakita sa Bag-ong Tugon kanato nga gusto ang Dios og mga magtutuo nga mga sudlanang nahigugma Niya ug sigeng nibukas sa ilang kaugalingon Kaniya—Rom. 9:21, 23; 2 Cor. 3:16.
 3. Kon dili ta bukas sa Ginoo sa kinahiladman sa atong pagkatawo, dili Siya makapaambit sa Iyang Kaugalingon kanato ug makabalay sa atong kasingkasing—1 Cor. 2:10.
 4. Wala gyoy gibuhat ang bukas nga sudlanan; sige hinuon kining nibukas aron mapuno sa diosnong pagpaambit sa Diosnong Trinidad—2 Cor. 13:14.
 5. Mapuno ngani ta sa Ginoo, mobuhat Siya sa tanan alang nato—Efe. 3:19.
- G. Mga maluyahon ta kay kulonong mga sudlanan man ta; apan, tungod sa bahandi sa sulod nato, ang sudlanan, sige tang mobukas sa Ginoo, hatagan Siyag higayon nga mobuhat sa tanang gusto Niyang buhaton; kini ang husto ug tinuod nga Cristohanong kinabuhi—v. 17; Gal. 2:20.

IV. “Aron maggikan sa Dios ang pagkalabaw kaayo sa gahom ug dili maggikan namo”—2 Cor. 4:7b:

- A. Nagpamatuod ang pagka-kulonong mga sudlanan nato nga naggikan sa Dios ang pagkalabaw kaayo sa gahom ug dili gikan nato:
1. Sa atong kaugalingon kulonong mga sudlanan lang ta; masal-anon, hulog, ug ubos ta.
 2. Kay ingon niana man, wala tay gahom nga mopadayag sa kamatuoran ug mosidlak sa himaya sa ebanghelyo—v. 4.
- B. Bisan kulonong mga sudlanan ta nga walay bili, gisidlak na sa Dios kining bililhong bahandi nganhi nato:
1. Nahimo nang tinubdan sa gahom karon kining bahandia nga nagpalagsik nato ug naghimo nato nga makasidlak sa himaya sa Dios ug makapadayag sa kamatuoran—v. 7a.
 2. Naay gahom kining bahandia, ug labaw kaayo kining gahoma.
- C. Sa gawas, kulonong mga sudlanan ta, apan sa sulod, naa tay bililhong bahandi—si Cristo nga pagkalawas sa nahikay ug nahingpit nga Tulo-usang Dios aron mahimong Espiritung malangkobon-sa-tanan nga naghatag-og-kinabuhi—1 Cor. 15:45b.
- D. Sa sulod nato, naa tay Cristo nga matahom kaayong bahandi; sa gawas, gipadayag nato si Cristo nga dagway sa Dios, ang pagpadayag sa Tulo-usang Dios—2 Cor. 4:4.

MAGSINATI, MAGPAHIMULOS, UG MAGPADAYAG NI CRISTO (2)

Mensahe 5 (sumpay)

- E. Sa nituo ta ni Ginoong Jesus, labaw pa sa Manunubos ang nadawat nato; nadawat nato ang labaw kaayo sa uniberso.
- F. Masinati ug mapahimuslan gyod unta nato si Cristo nga bahandi sa sulod ug dagway sa gawas.